

Матфеин 22 бөлг.

1. Иисус цааранднь цецн келврмүд келжэхэд темдгдлв:
2. «Тецгрин Бурхна орн-нутгиг һазр деер бээсн хаанла дүңцүлж болхмн. Хан эврәннь көвүндэн хүрм келхэд,
3. гиичнр хүрмд дуудхин төлэ эврәннь ялчнран илгэж. Зуг тедн ирхэр седсн уга.
4. Тиигхлэ тер хан талдан ялчнран илгэхэд келв: «Би эмтэхн хот дуудсн эмтнд белдчкв. Мини туһлмуд болн асрсн мал – алата, цугнь белн. Хүрмин нээрт ирцхэтн.»
5. Зуг эдн төртөн авл уга, тарад йовцхаж: кень негнь - тэрэндэн, наадкнь - хулд гүүлгэнд.
6. Талданнь энүнэ ялчнриг му келэд, бэрж авад эмнь таслад алчкв.
7. Хан энүг соңсчкад, уурлад эврәннь цергэн тэвэд, тер алсн улсиг уга келхэд, теднэ балһсиг шатачкв.
8. Тегэд хан ялчнртан келв: «Хүрмин нэр белн, зуг мини дуудсн гиичнр болхла хүрмд ирх ач уга бээж.»
9. Тегэд хаалһар йовад харһсн улс цугтаһинь хүрмин нээрт дуудтн.»
10. Ялчнринь хаалһар йовад кен харһсинь цугтаһинь цуглулв: теднэ дунд цаһан санатачн болн хар санатачн улс бээсмн. Хүрмин нэр гиичнрэр дүүрв.
11. Хан орад гиичнрэн хэлэхлэ, теднэ дунд хүрмин хувцн уга кү үзж.
12. Хан терүнд келв: «Иньг! Чи яһж нааран хүрмин хувцн угаһар орсмбч? Тер тагчг бээсмн.
13. Тегэд хан ялчнртан келж: «Эн күүнэ һар-көлнь бооһад, харңһу тамд хайтн; тенд уульһн болн шүдэн хэврлһн болх.
14. Юңгад гихлэ дуудснь дала, зуг шүүж авснь баһ болжана.»

15. Фарисеймуд Иисусиг келсн үгэрнь бэрж авхар хоорндан селвлцв.
16. Тедн Терүнүр эврэннь сурһульчнран иродианмудта илгәһэд келцхәж: «Багш, та үн үнәр Бурхна үгәр дасхнат гиж медвидн, юңгад гихлэ Та күүнэ чирэ хэлэлго, үнән келнәт.»
17. Тегэд мадн Танас суржанавидн: «Тана ухаһар болхла, маднд кесарьт алв өгч болхий?»
18. Иисус теднэ мекнь медэд келв: «Хойр чирәтнр, тадн Намаг жилвтүлхәр бәәнт?
19. Алв өгдг деншгән Нанд үзүлтн.» Тедн Терүнд деншг авч ирв.
20. Иисус эднәс сурв: «Кенә зург болн һар тәвлһн эн деншгт зурата?»
21. Эдн келв: «Кесарин.»
22. Иисус эднд келв: « Кесарин юмиг кесарьт өгтн. Бурхна юмиг Бурхнд өгтн.»
Тер хәрүһинь соңсад тедн алң болад, Терүг үлдәһэд йовж одв.
23. Тер өдр әмдрлһнд иткдго садукеймуд Иисусур өөрдәд Терүнәс сурв:
24. «Багш, Моисей келсмн: кемр үрн уга бәәсн күн өңгрхлэ, тер күүнә ахнь эс гиж дүнъ белвсн үлдсн гергнь бийдән авх зөвтә, ахиннь тохминь шинрүлхин төлә.»
25. Мадн долан ах-дүүнр биләвидн. Ууһн ах гер авад, өңгрж одв. Үрн уга болсндан, эн эврәннь гергән дүүдән үлдәв. Тегэд хойрдгчнь болн һурвдгчнь болад доладгч күртл.
27. Хамгин сүүлднь гергн өңгрв.
28. Тиигхлэ әмдрснә хөөн тер кенә гергн болхмб? Юңгад гихлэ эн цуһураһиннь гергн болсмн.»
29. Иисус эднд иим хәрү өгв: « Бурхна әрүн үг болн Бурхна чидл-күч меддго

болад, тадн эндүржэнэт.»

30. Юңгад гихлэ эмдрлһнэ хөөн гер авдм биш, хэрд һардмн биш, зуг Теңгрт Бурхна элчнр болад бээдмн.

31. Өңгрсн улс эмдрнэ гиж Бурхн бичснь умшсн угавт?

32. Бурхн эмдрлһнэ тускар иигж келсмн: «Би – Авраамин Бурхн, Исаакин Бурхн болн Иаковин Бурхн! Эн Бурхн үксн улсин биш, эмд улсин Бурхн.»

33. Өмтн Иисусин келсн үгмүд соңсад, Терүнэ дасхжасн сурһульд икэр алн болад бээв.

34. Садукеймудиг Иисус тагчгрулад, үг келлдгинь уурлсн тускар фарисеймуд соңсчад, хамдан цуглрсмн.

35. Иисусиг жилвтүлэд, нег зака меддг күн Терүнэс сурв:

36. «Багш! Заканд хамгин ик зааврнь ямаран болжана?»

37. Иисус эднд иигж хэрү өгв: «Эврәннь Деед Эзн Бурхндан цуг зүркэрн, цуг седклэрн болн цуг ухаһарн дурл!»

38. Эн хамгин түрүн болн өмтин ик зокъял.

39. Хойрдгч заавр терүнлэ эдл: «Бийлөһөн эдл эврәннь өөрөн бээсэн дурл.

40. Эн хойр зааврар цуг Закан болн ээлдэчнр тогтжана.»

41. Фарисеймуд хурсн цагт Иисус теднэс сурна:

42. «Христосин тускар тадн ю ухалжанат? Тер кенэ Көвүмб?»

43. Тедн келнэ: «Давидин Көвүн.» Иисус эднд келв: «Тиигхлэ юңгад Давид Сәкүсәрн Терүг Деед Эзн гиж нерэдэд иигж келсмн:

44. Бурхн Эцк мини Деед Эзнд келсмн: Чини хортдудиг Чини көлд тэвтл, Мини барун бийд су.

45. Тегэд Давид Терүг Мини Деед Эзн гиж нерэджэхлэ, яһад Тер Давидын көвүн болжахмб?»

46. Иисус эг үгмүд келсн хөөн: нег чигн күн нег чигн үг келж чадсн уга. Тер өдрэс авн нег чигн күн Терүнэс сурвр сурдг зөв уга болв .